

HDZ Srednjobosanskog kantona kažnjen zbog opstrukcija u oblasti obrazovanja

Visoki predstavnik, Paddy Ashdown, u ponedjeljak je donio odluku o kažnjavanju HDZ-a Srednjobosanskog kantona u iznosu od pet posto od sredstava namjenjenih toj stranci.

Ova odluka stupa na snagu u petak, 30. aprila, ukoliko organi vlasti u ovom kantonu ne poduzmu administrativne korake potrebne za spajanje 'dvije škole pod jednim krovom' u kantonu, u skladu sa uputama visokog predstavnika. Kazna će se primjenjivati od petka, 23. aprila, što je bio prvobitni rok koji je visoki predstavnik postavio za usvajanje ovih koraka. Ova odluka predviđa da sredstva dodijeljena HDZ-u u Srednjobosanskom kantonu budu umanjena za po pet posto svake sedmice sve dok ne budu poduzeti potrebni administrativni koraci.

Drugi kantoni, uključujući i Hercegovačko-neretvanski kanton, poduzeli su administrativne korake kako bi se spojile 'dvije škole pod jednim krovom'. Ured visokog predstavnika pomno će pratiti punu provedbu ujedinjenja ovakvih škola.

"HDZ Srednjobosanskog kantona ima posljednju priliku da provede administrativno spajanje "dvije škole pod jednim krovom" prema instrukcijama ministra obrazovanja gospodina Nikole Lovrenovića iz augusta prošle godine. Ako to ne učine do 30. aprila kazna će biti ustanovljena sa početkom od 23. aprila i iznosiće 10 procenata. Ovaj novac će biti vraćen u obrazovanje za dobrobit djece Srednjobosanskog Kantona", istakao je visoki predstavnik.

Administrativno ujedinjenje 'dvije škole pod jednim krovom' nema uticaja na jezik na kome se nastava izvodi niti na

nastavni plan i program po kome djeca uče. Njime se ukidaju dvostruki troškovi tako da, umjesto što se ograničena sredstva u ovoj oblasti troše na administraciju, više novca će se moći potrošiti na podučavanje djece.